

Presidente di FTA, sr. Hubert Dirks:

Placa y miedo a hunga un rol den referendum di trahadonan di Riu Palace

ORANJESTAD – Diabierna atardi a wordo celebra tres referendum na Dr. Edward Cheung Innovation Center, unda FTA a logra drenta na Riu Palace Hotel, representando e trahadonan



di dos departamento, esta Bar y Mantenemento.



“Nos no a logra e 26 voto cu nos tin mester. Kiemen e referendum a wordo gana pa FTA den e caso aki pa e departamento di Bar y di Mantenemento solamente. Na departamento domestico, FTA a perde esaki”, el a bisa Sindicalista Hubert Dirksz a bisa cu e placa cu a wordo ofreci te hasta cierto momento sumanan grandi. “Te hasta e ultimo trahado awe mes (diabierna ultimo) tin un cantidad di trahado cu a bay nan mes cerca gerencia pa pidi e placa. Pasobra tambe nan kier placa”, asina e sindicalista a declara masha

Mientras pa e di tres referendum di e trahadonan di departamento domestico, FTA no a logra e mayoria di e trahadonan.

Presidente nobo di FTA, sr. Hubert Dirksz a bisa na Bon Dia Aruba cu departamento domestico ta e departamento mas grandi y na comienso mas fuerte pa logra nan representacion sindical. Sinembargo e lider sindical di FTA a lamenta cu e “efecto di placa” a hunga un rol na final di e referendum.

Referendum y presion Sindicalista Dirksz a celebra e hecho cu despues di algun impasse, finalmente derechonan di e trahadonan a prevalece. El a lamenta cu a pesar di e entusiasmo y disposicion di mayoria di e trahadonan di departamento domestico, na final di e contamento di voto, nan no a logra e mayoria. Nan tabatin mester di 26 voto y nan a logra 22 voto na favor di e 23 cu a bay vota.

Encuanto e dos departamentonan di Bar y Mantenemento cu FTA a gana e referendum, e trahadonan no mester sinti miedo contra cualkier tipo di presion of intimidacion. Segun e sindicalista Hu-



bert Dirksz di FTA, nan por ta departamento grandi of chikito, pero loke ta conta ta si e trahadonan ta fuerte si of no. El a bisa cu den e caso aki di Bar y Mantenemento, sindicato FTA ta conta cu e dos departamentonan aki ta hopi fuerte.

Placa

Ademas e dos departamentonan menciona ta conta mas cu trahadonan mas decidido y cu “placa no lo convence nan facilmente”, el a declara. En cambio departamento domestico cu tin salarionan abou ta facilmente pa e compania ofrece mas placa, y kibra e forsa di e trahado y na union, segun presidente di FTA.

desapunta pa e actitud aki.

El a haya cu e tipo di practica aki automaticamente tabatin su impacto riba e cantidad di hende cu mester a bay vota. Ya cu tabatin un grupo di trahadonan di departamento domestico cu a opta pa haya e placa. Pero tambe tabatin un grupo di trahadonan cu tabatin miedo y nan a keda sin bin vota.

“Logicamente di e 50 trahado (departamento domestico), nos a logra cu 22 hende a vota na favor”, el a bisa.

Na final presidente di FTA a indica cu aworaki nos tin den Riu Palace un grupo di trahado dividi locual no lo contribui na e situacion na pia di trabou. □